

He kēmu tēnei mō ngā kaitākaro 2–4, hei whakapakari i te rautaki whakaawhiwhi mō te whakaoti whakareatanga.

Rauemi:

- Tētahi papa tākaro me tētahi porotiti pīataata
- Tētahi papa rārangi tau mā ia kaitākaro
- Tētahi mataono rite, ko te 5, 6, 7, 8, 9 me te kupu *kōwhiria* ki ngā mata.

Ture:

- Whakatakotoria te porotiti pīataata ki te tau tīmatanga ki te papatākaro.
- Ka whai tētahi kaitākaro i tētahi.
- Ka pīrorihia te mataono tau. Ko te tau ka puta, koirā te maha o ngā porotiti ka neke whakatekaraka ai i te porotiti ki te papa tākaro. Mēnā ko te '*kōwhiria*' te mata ka puta, mā taua kaitākaro e kōwhiri tētahi tau i waenganui i te 5 me te 9.
- Ka whakareatia te tau o te mataono ki te tau o te porowhita ki reira tau ai te porotiti.
- Ka uhia te porowhita kei te papa rārangi tau e hāngai ana ki te takiwā ki reira tau ai te whakautu o te whakareatanga. Hei tauira, mō te whakareatanga $6 \times 43 = 258$, ka uhia te porowhita ki waenganui i te 250 me te 300.
- Ko te kaitākaro tuatahi ki te uhi i ngā porowhita katoa i tana papa rārangi tau, ko ia te toa.



